

**From:** [REDACTED]  
**To:** sc\_hs101\_16@legco.gov.hk

**Date:** Friday, November 03, 2017 05:22PM  
**Subject:** 意見書 ( 在考試及功課壓力 下兒童的權利 )

---

我小朋讀緊k2班，最近係網上睇或問讀緊小學既朋友，發覺而家返小學真係好恐怖，返學7小時，午餐必需係食飯盒及係自己個位完成，有d學校要求必需30分鐘內完成，有網友留言小朋友上課去廁所，要係廁所罰企。

另外，放學功課+溫習時間係4小時（返左7小時學，仲要返屋企ot4小時，如果我公司係甘，我一定罷工），普通話由低年級已經開始教拼音，仲係要考試架，音樂堂，要考試，我姨甥女學校考用牧童笛吹一首歌，仲間中有網上功課，即係又要學埋電腦。如果係宗教學校，仲要讀多科。

嘩，我呢d係80年代讀小學中長大既家長，小學返半日，放暑假得1本好簿既作業，放學如果有默書先最多係溫一頁書，我覺得呢d先係童年。

我可以講一句，我今時今日就算搵錢唔多，但我好開心同滿足。

從我的 iPhone 傳送